



KONKURRANSEGRUNNLAG



Anskaffing etter del I og II for anskaffing av prosjekt:

«Kommunehuset i Åmot – Ny takkonstruksjon og
solcelleanlegg»

Saksnummer	2023/324
Tilbodsfrist	03.04.2023
Entreprise	Generalentreprise
Kontrakttype	NS8406



Innholdsliste

1 Prosjektinformasjon.....	3
1.1 Om oppdragsgivar	3
2 Generelt om prosjektet.....	3
2.1 Orientering:	3
2.1.1 Del 1 – Ny takkonstruksjon	4
2.1.2 Del 2 – Nytt solcelleanlegg	4
3 Gjennomføring av prosjektet.....	4
3.1 Generalentreprise	4
3.2 Søknadsarbeid.....	4
3.3 Framdrift	5
3.4 Sikkerheit, helse og arbeidsmiljø (SHA)	5
3.5 Tilbodskostnad.....	5
4 Reglar for gjennomføring av konkurransen	6
4.1 Anskaffingsprosedyre	6
4.2 Offentlegheit og teieplikt	6
4.3 Kvalifikasjons- og tildelingskriterium.....	6
4.3.1 Kvalifikasjonskrav	6
4.3.2 Tildelingskriterium	6
5 Gjennomføring av tilbodskonkurransen	7
5.1 Oppdatering av konkurransegrunnlag	7
5.2 Kommunikasjons- og tilleggsinformasjon	7
5.3 Framgangsmåte ved levering av tilbod	7
6 Atterhald og avvik.....	8
6.1 Oppdragsgivar	8
6.2 Tilbydar	8
7 Særskilte kontraktavgjersler.....	9
8 Vedlegg	9



1 Prosjektinformasjon

1.1 Om oppdragsgiver

Kontaktperson hjå oppdragsgiver er:

Namn:	Odd Martin Nystog
E-post	omnystog@vinje.kommune.no

For ytlegare informasjon om kommunen kan de besøke nettsida; www.vinje.kommune.no

2 Generelt om prosjektet

2.1 Orientering:

Dette prosjektet blir delt opp i 2 delar. Den eine delen omfattar riving og montering av ny takkonstruksjon, mens den andre delen omfattar levering og montering av nytt solcelleanlegg. Tilbydarane vil få høve å levere tilbod på begge anskaffingane, eller levere deltilbod på del 1 eller del 2. Det er ein føresetnad at kommunen får inn tilbod på del 1 for å gjennomføre prosjektet. Tilbydaren som blir tildelt anskaffinga «Del 2 – Solcelleanlegg» vil bli tiltransportert tilbydaren som blir tildelt anskaffinga «Del 1 – Ny takkonstruksjon»





2.1.1 Del 1 – Ny takkonstruksjon

Del 1 omfattar riving og montering av ny takkonstruksjon på kommunehuset i Åmot. Tanken er å rive eksisterande takkonstruksjonen heilt ned til takbjelkane, for så å montere nye sjølvberande TRP plater og plassbygde støtteveggar. I samband med ombygginga er det òg naudsynt å sette inn ekstra bæring i form av dragarar ogøyler.

Del 1 blir gjennomført som ein utføringsentreprise der oppdragsgivar har prosjekteringsansvaret. Som vedlegg vil de finne ei mengdebeskriking og teikningar som syner arbeidet som skal prisast og utførast.

Tilbydaren som blir tildelt anskaffinga «Del 1 – Ny takkonstruksjon» vil få rolla som stadleg byggeleiari for heile prosjektet. Det vil sei at byggeleiaren får koordineringsansvaret opp mot anskaffing «Del 2 – Nytt solcelleanlegg», og får i oppgåve å utarbeide ein hovudframdriftsplan og koordinere den generelle framdrifta.

2.1.2 Del 2 – Nytt solcelleanlegg

Del 2 omfattar levering og montering av nytt solcelleanlegg. Sjølve anlegget skal ha ein produksjon på minimum 10kWp som fordeler seg på 300 stykk 370Wp modular. Anskaffinga skal inkluderer alle ytingane som er nødvendig for å levere, montere og idriftsette anlegget.

For del 2 har leverandøren prosjekteringsansvaret og vil bli tiltransportert byggentreprenør som blir kontrahert av kommunen. Oppdragsgivar har utarbeid ein funksjonsbeskriving som syner kva som skal gjerast, men det er leverandøren som vil stå som ansvarleg prosjekterande og utførande i prosjektet.

3 Gjennomføring av prosjektet

3.1 Generalentreprise

Prosjektet blir gjennomført som ein generalentreprise i samsvar med NS8406.

3.2 Søknadsarbeid

Vinje kommune står som ansvarleg søker for tiltaket, og har ansvaret for å innhente ansvarsrettar, igangsetjingsløyve, samsvarserklæringer, ferdigattest og anna.



3.3 *Framdrift*

Kommunen ser føre seg oppstart Mai/Juni 2023. Dersom værtihøva og igangsetjingsløyve er i orden vil utførande få høve til å byrje før planlagt oppstart.

Fram mot kontrahering:

Aktivitet	Tidspunkt
Utlýsing	07.03.2023
Tilbodssynfaring	22.03.2023 kl. 09:00
Frist for å stille spørsmål til konkurransegrunnlaget	27.03.2023
Tilbodsfrist	03.04.2023 kl. 12:00
Val av leverandør og kunngjering til leverandørar	01.11.2023
Byggestart	02.05.2023
Ferdigstilling Del 1	30.09.2023
Ferdigstilling Del 2	01.11.2023

3.4 *Tilbodssynfaring*

Det vert avhalde tilbodssynfaring Onsdag 22.03.2023 kl. 09:00. Oppmøte på kommunehuset i Åmot, Vinjevegen 192, 3890 Vinje.

3.5 *Sikkerheit, helse og arbeidsmiljø (SHA)*

Oppdragsgivar stiller som både SHA-koordinator for prosjekterings- og utføringsfasen gjennom prosjektet. Arbeidsoppgåvene til koordinatoren og utførande er beskrive nærmere i byggherreforskrifta og vedlagt SHA-plan

Oppdragsgivar krev at tilbydaren kan dokumentere at verksemda gjennomfører internkontrollar i samsvar med internkontrollforskrift. Dersom det er fleire verksemder på arbeidsplassen skal det føreligge ein skriftleg avtale kven som skal ha ansvaret for å samordne internkontrollen for alle felles aktivitetar, jamfør §6 i internkontrollforskrifta.

3.6 *Tilbodskostnad*

Kostnadars som tilbydar pådrar seg ved utarbeiding av tilbod vil ikkje bli refundert av oppdragsgivar. Det forutsett av eventuelt behov for plotting og kopiering dekkast av den enkelte tilbydar, og at underleverandørar gjerast oppmerksam på dette.



4 Reglar for gjennomføring av konkurransen

4.1 Anskaffingsprosedyre

Anskaffinga blir gjennomført i samsvar med lov om offentlige anskaffelser av 17. juni 2016 (LOA) og forskrift om offentlige anskaffelser (FOA) FOR 2016-08-12-974. del I og II.

Oppdragsgiver planlegg å tildele kontrakt utan å kontakte tilbydarane utover å gjøre eventuelle mindre avklaringar/korrigeringar av tilboda. Forhandlingar kan likevel bli gjennomførte dersom oppdragsgiver, etter at tilboda er mottatte, vurderer det som føremålstenleg. Det blir presisert at ingen leverandørar kan forvente dialog om tilbodet sitt og derfor må leverere sitt beste tilbod.

4.2 Offentlegheit og teieplikt

For ålmenta sitt innsyn i dokument knytte til ei offentleg anskaffing, gjeld offentleglova. Oppdragsgiver og tilsette der pliktar å hindre at andre får tilgang eller kjennskap til opplysningar om tekniske innretningar og framgangsmåtar eller drifts- og forretningsforhold det vil vere av konkurransemessig verdi å halde hemmeleg, jf. FOA §§ 7-3 og 7-4 og, jf. forvaltningslova § 13.

4.3 Kvalifikasjons- og tildelingskriterium

4.3.1 Kvalifikasjonskrav

Sjå kvalifikasjonskrava som er sett i Mercell portalen.

4.3.2 Tildelingskriterium

Anskaffing av oppdraget blir tildelt leverandøren som leverer det billigaste tilbodet.

Tilbodssum (lågast pris), 100%

- Utfylt og signert vedlegg 1 - *Tilbodsskjema*. Tilbodssummen blir vurdert og vektlagt etter ev. forhandlingar.



5 Gjennomføring av tilbodskonkurransen

5.1 Oppdatering av konkurransegrunnlag

Innan tilbodsfristen går ut har oppdragsgjevar rett til å gjere rettingar, suppleringar eller endringar i konkurransegrunnlaget, dersom dei ikkje er av vesentleg karakter.

Rettingar, suppleringar eller endringar vil bli sendt til alle som har meldt si interesse i Mercell.

Opplysningar som oppdragsgjevar gjev på grunn av spørsmål frå ein tilbydar, vil straks bli sendt til alle i anonymisert form. Opplysningar om rettingar, suppleringar og endringar blir kunngjort elektronisk via Mercell portalen. Ved ein revisjon av konkurransen, vil dette visast som ny versjon av konkurransen. Når det gjeld tilleggsopplysningar, vil det kome fram i fanebladet tilleggsopplysning i Mercell portalen. Leverandørar som alt har meldt si interesse vil og få ei melding via sin e-post, om at det er gjeve tilleggsinformasjon på konkurransen, eller det er gjort ein revisjon av konkurransen. Følg då linken i denne meldinga, slik at du kjem inn på den aktuelle konkurransen.

Dersom det blir oppdaga feil i konkurransegrunnlaget, ber vi om at dette blir formidla til oppdragsgjevar via kommunikasjonsmodulen i Mercell-portalen.

5.2 Kommunikasjons- og tilleggsinformasjon

All kommunikasjon i prosessen skal skje via Mercell-portalen. Det er for at all kommunikasjon skal loggførast. Når du er inne på konkurransen skal du velje fanebladet Kommunikasjon. Klikk deretter på ikonet «Ny melding» i menylinja. Skriv inn informasjon til oppdragsgjevar og trykk deretter på «Send». Oppdragsgjevar mottek så meldinga di. Dersom spørsmålet gjeld for alle tilbydarane, vil oppdragsgjevar anonymisere svaret på dette og gje svaret som ein tilleggsinformasjon. Tilleggsinformasjon er tilgjengeleg under fanebladet Kommunikasjon og deretter under fanebladet Tilleggsinformasjon. Du vil og få ein e-post med ein link til tilleggsinformasjonen.

5.3 Framgangsmåte ved levering av tilbod

Dersom det er ynskjeleg å levere tilbod elektronisk i Mercell, gå til fanebladet «Gi tilbud» og trykk deretter på knappen «Jeg ønsker å tilby». Dette er kun meint som ein indikator på om innkjøpar kan forvente tilbod eller ikkje. Du bind deg ikkje som leverandør ved å bekrefte at du ynskjer å tilby. Det er ynskjeleg at tilbydar bekreftar om dei ynskjer å tilby så fort som mogleg.

Alle tilbod skal leverast elektronisk via Mercell portalen, www.mercell innan tilbodsfrist. For seint innkomne tilbod vil bli avvist. (Systemet tillet heller ikkje å sende inn tilbod elektronisk via Mercell etter tilbodsfristens utgang)



Er du ikkje brukar av Mercell, eller har spørsmål knytta til funksjonalitet i verktøyet, til dømes, korleis du skal gje tilbod, ta kontakt med Mercell Support på tlf: 21 01 88 60 eller på e-post til:
support@mercell.com

Det er å tilrå at tilboden blir levert i god tid før fristen går ut, for eksempel minimum 1 time før tilbodstiden går ut. Skulle det kome tilleggsinformasjon fra oppdragsgjevar som fører til at du ønsker å endre tilboden ditt før tilbodstiden går ut, kan du gå inn på tilboden, gjere eventuelle endringer og levere på nytt heilt inntil tilbodstiden går ut. Det sist leverte tilboden rekna som det endelege tilboden.

Elektronisk signatur ved levering

Du vil under innleveringsprosessen kunne bli beden om ein elektronisk signatur for å stadfeste at det er aktuell verksemde som har sendt inn tilboden. Elektronisk signatur kan de skaffe på
www.commfides.com, www.bypass.no eller www.bankid

Vi gjer merksam på at det kan ta nokre dagar å få levert elektronisk signatur, slik at denne prosessen bør setjast i gang så fort som mogleg.

6 Atterhald og avvik

6.1 Oppdragsgjevar

Oppdragsgjevar tek etterhald om finansiering dersom tilboda overgår budsjettet. Vidare føreheld oppdragsgjevar seg retten til, utan økonomiske eller andre konsekvensar, å forkaste alle tilbod etter reglane i forskrifta om offentleg anskaffing §24-4. Oppdragsgjevar er ikkje pliktig til å godta nokon av tilboda dersom ingen av dei innkomne tilboda blir sett på som rimeleg. Det same gjeld når det etter utsending av konkurransegrunnlaget har skjedd tilhøve som gjer at kjøpet ikkje lenger er aktuelt, eller at spesifikasjonane må endrast.

6.2 Tilbydar

Dersom tilbydar tek etterhald mot delar av konkurransegrunnlaget, skal dette klart gå fram av tilbodsavtalen. Det skal spesifiserast med kva konsekvensar ein har for ytingane, pris eller andre forhold. Det same gjeld for avvik. Det skal vera så presist og eintydig at oppdragsgjevar kan vurdere desse utan kontakt med tilbydar. Vesentlege etterhald og avvik vil føre til at tilboden vert avvisa.



7 Særskilte kontraktavgjersler

NS 8406 "Alminnelege kontraktavgjersler for totalentreiser" siste utgåve, gjeld som alminnelege kontraktavgjersler. For dette prosjektet har oppdragsgivar gjort følgjande suppleringer/endringar:

1 (Kap. 6 Byggherremøter)

Det vert avhalde byggherremøte kvar 14 dag.

2 (Kap 23.4 Særlig om rekningsarbeid)

Påslag på materiale og utstyr settast til 10%

3 (Kap 23.1 Indeksregulering)

Kontrakten skal ikkje indeksregulerast

8 Vedlegg

- Vedlegg 1 – Tilbodsskjema
- Vedlegg 2 – SHA-plan
- Vedlegg 3 – Funksjonsbeskriving for Del 2 Nytt solcelleanlegg
- Vedlegg 4 – Mengdebeskripling for Del 1 Ny takkonstruksjon
 - Vedlegg 4.1 – Mengdebeskripling i gab
 - Vedlegg 4.2 – Mengdebeskripling i xml
- Vedlegg 5 – Bygningsmessige teikningar
- Vedlegg 6 – Ventilasjonsteikningar
- Vedlegg 7 - Elektroteikningar